

# 日本後紀

廿四

							和書門
			二				
			一				
			一				
			四				
冊	架	函	號	類			

							和書
架	冊	號	類				

內閣文庫		
番號	和	24
冊數	10 ( 10 )	
函號	137	124



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本後紀卷第廿四 起弘仁五年七月盡六年十二月

左大臣正二位兼行左近衛大將臣藤原朝臣冬嗣等奉 勅撰

太上天皇 嵯峨


秋七月丙午朔授正六位上大伴宿祢友足從

五位下從五位下紀朝臣長田麻呂為治部少

輔從五位下藤原朝臣福當麻呂為常陸守左

兵衛佐從五位下住吉朝臣豐繼為兼介從五

位下巨勢朝臣清野為右衛門佐從五位下大



州官

伴宿祢友足為右兵衛佐辛亥尾張國丹羽郡  
田廿四町賜夫人從三位橘朝臣諱王子幸神  
泉苑觀相撲乙卯從五位下藤原朝臣賀祐麻  
呂為中務少輔武藏介如故從五位下藤原朝  
臣文山為侍從從五位下紀朝臣長田麻呂為  
治部大輔從五位下多治比真人船主為少輔  
從五位上大原真人真福為民部大輔從五位  
位下藤原朝臣濱主為兼右京亮近江介如故

齋宮頭從五位下安倍朝臣寬麻呂為兼伊勢  
權介辛酉幸於葛野川賜次侍從衣被丙寅免  
大和河內兩國遠年未納稻一十三萬四千束  
以百姓窮乏不堪辨進也已巳勅夫六年一班  
令條立制理須依其年限諸國共班而大同以  
來疾疫間發諸國班田零疊者多稽于通法理  
不可然宜待後班之國滿於年限一令校班上  
京大夫從四位上藤原朝臣今川卒參議從三

位巨勢麻呂之男左大臣正一位贈太政大臣  
武智麻呂之孫時年六十六廿五庚午勅畿内近江  
丹波等國頃年旱灾頻發稼苗多損國司默然  
百姓受害其孝婦舍寃東海蒙枯旱之憂能吏  
行縣徐州致甘雨之喜然則禍福取興必由國  
吏自今以後若有旱者官長潔齋自禱嘉澍務  
致肅敬不得狎汗如不應者乃言上之立為恒  
例其辛未從五位下藤原朝臣濱主為兼大學頭

近江介如故從五位上安倍朝臣清足為刑部  
大輔從四位下紀朝臣咋麻呂為左京大夫從  
五位上坂本朝臣佐太氣麻呂為右京亮從五  
位下藤原朝臣永貞為造西寺長官陰陽頭從  
五位下小野朝臣諸野為兼備中介外從五位  
下廣井宿祢真成贈從五位下閏七月六庚辰辛  
神泉苑壬午散位正四位上吉備朝臣泉卒泉  
者右大臣從二位真備之子也孔門童子頻有

取聞性殊偏急多忤於物延曆初出為伊豫守  
 被僚下告遣詔使勘問辭涉不敬有司執法請  
 寘恒科詔曰其父故右大臣往學盈歸播風弘  
 道遂登端揆或翼皇猷宜宥泉辜令思後善但  
 解見任以懲前惡後復以譴貶佐渡權守歸居  
 本縣鬱鬱不得志大同之初以賢臣之後徵為  
 觀察使試于政事處置無紀對戾之性老而不  
 移卒時年七十二丙戌<sup>十二</sup>幸神泉苑賜五位已上

被<sup>十</sup>甲午无位春子女玉授從五位下己亥<sup>十五</sup>聽內  
 外諸司人著薄朝服辛丑<sup>廿七</sup>遊獵北野日晚御嵯  
 峨院賜侍臣衣被癸卯<sup>廿九</sup>美作國獲白雀賜獲人  
 稻四百束八月丙午<sup>三</sup>從五位下淨野宿祢夏嗣  
 為主殿助丁未<sup>四</sup>直勘系取書手三人准勞叙階  
 有冕一等二階二等一階甲寅<sup>十一</sup>幸皇太弟南池<sup>淳和</sup>  
 命文人賦詩春宮亮從五位下清原真人夏野  
 授從五位上大進正六位上橘朝臣長谷麻呂

從五位下。賜四位已上被五位并春宮屬已上  
 及六位已下王藤原氏等衣。己未。死位小繼女  
 王授從五位上。辛酉。大和國八嶋寺有嘉木一  
 莖十八穗。甲子。免囚人日下部土方。補木工長  
 上。土方者。攝津國武庫郡人。以私鑄錢者。鑠役  
 於堀河。頗善工巧。仍弃瑕取才。丙寅。化來新羅  
 人加羅布古伊等六人。配美濃國。戊辰。遊獵北  
 野。己巳。遊獵栗栖野。辛未。正六位上。甘南備真

人濱吉授從五位下。從五位下藤原朝臣永貞  
 為陰陽頭。正五位下安倍朝臣真勝為刑部大  
 輔。參議正四位下藤原朝臣緒嗣為兼宮內卿。  
 近江守如故。外從五位下壹伎直才麻呂為園  
 池正。從五位上安倍朝臣淨足為造。西寺長官。  
 從五位下甘南備真人濱吉為日向守。從四位  
 下良岑朝臣安世為兼左衛門督。但馬守如故。  
 參議從三位文室朝臣綿麻呂為兼右衛門督。

陸奧出羽按察使如故。式部大輔從四位下藤原朝臣三守為兼左兵衛督。美作權介如故。從三位春原朝臣五百枝為兼右兵衛督。上野守如故。<sup>十九</sup>壬申詔曰。朕恭踐天位。纂承洪基。旰食宵衣。星炤頻改。雖躬居紫極。而心遍黎民。庶齊七政。以無水旱之災。勸九農以有仁壽之喜。頃年以降。春耕候花。不憊濯枝之潤。秋稼垂穎。可餘栖畝之糧。是則神靈降祥。佛子修善之取致也。

朕思膺斯嘉貺。寄中實於百神。欣彼豐稔。報勤勞於萬姓。且委天下國宰。明加檢校。奉官社幣帛。並施給高年僧尼及耆老鰥寡。孤獨不能自存者。各有等級。務在調稱。朕意焉。九月庚辰。從四位下百濟王教德為治部大輔。從五位下紀朝臣長田麻呂為宮內大輔。從五位下大伴宿祢乎智人為左京亮。從五位下中科宿祢善雄為東宮學士。從五位下紀朝臣貞成為造。西寺

次官壬午幸神泉苑令文人賦詩甲申施京畿  
七道諸國國分二寺僧尼年八十已上每人綿  
二十疋賜老人百歲已上穀二斛九十已上一  
斛八十已上伍斗鰥寡孤獨之不能自存者量  
老幼三斗已下一斗已上戊子奉幣明神報豐  
稔也癸巳右大臣從二位兼皇太弟傳藤原朝  
臣園人奏言諸國取收官物本倉色目具注稅  
帳而或國司非必其人便郡稻者即充公廨賜

百姓者必於遠郡是以不便之郡物既贏餘至  
于交替通計彼此出雲國最多此類縱令應貯  
甲郡而納於乙處帳是全倉物為煨燼伏望自  
今而後普知諸國依帳收納甲乙之郡不許通  
計若本倉相違准狀科處庶官家少損黎民  
濟依請焉戊戌從五位下安倍朝臣益人為雅  
樂頭從五位下大伴宿禰嗣為大藏少輔從  
五位下路真人年繼為宮内少輔庚子遊獵栗



前野日暮御彈正尹明日香親王宇治別業親  
 王奉獻賜侍臣衣被癸卯渤海國遣使獻方物  
 冬十月丁未大雪癸丑遊獵北野丙辰新羅高  
 人卅一人漂著於長門國豐浦郡甲子右諸衛  
 府奉獻宴飲奏樂賜侍臣及右衛府右馬寮史  
 生已上綿有差乙丑興福寺傳燈大法師位常  
 樓卒俗姓秦公忌寸山城國葛野郡人也法師  
 幼齡厭俗出家入道天資聰敏日誦萬言初為

同寺善珠大德弟子請問內教又善膳大丘土  
 師乙勝學習外傳年及廿學業漸進固持戒律  
 闡揚真宗和衆之中撰作被讓尋而癸弘誓願  
 卅年之間轉讀法華經一十二萬四千九百六  
 十卷兼復每日誦般若心經一百卷無染著陀  
 羅尼一百八遍縱在於造次無虧日科上酬恩  
 愛下濟生靈延曆廿四年有勅屈置之秋篠寺  
 弘仁五年孟冬十月廿二日夜對律師勝義高

聲誦弘誓願律師合掌讚歎五更之後音義乃  
絕春秋七十有四丁卯遊獵水生野山城攝津  
兩國奉獻賜侍臣已上及二國掾已上衣被庚  
午大宰府言新羅人辛波古知等二十六人漂  
著筑前國博多津問其來由遠投風化散位從  
四位下多賀王卒十一月癸酉朔右大臣從二  
位藤原朝臣園人中納言從三位巨勢朝臣野  
足奉獻飲宴終日賜侍臣綿有差辛巳免出雲

國田祖緣有賊亂及供蕃客也癸未從五位下  
紀朝臣國雄為主計頭從五位上藤原朝臣千  
引為刑部大輔正五位下安倍朝臣真勝為造  
西寺長官從五位下紀朝臣和氣麻呂為安房  
守己丑陸奧國言膽澤德丹二城遠去國府孤  
居塞表城下及津輕狄俘野心難測至於非常  
不可不備伏望豫備糒塩收置兩城者許之壬  
辰宴侍臣奏五節儻賜祿有差甲午遊獵芹川

野十二月癸卯朔勅歸降夷俘前後有數仍量  
便宜安置官司百姓不稱彼姓名而常號夷俘  
既馴皇化深以為耻宜早告知莫號夷俘自今  
以後隨官位稱之若無官位即稱姓名甲辰大  
雪從五位上登美真人藤津為越中守壬戌遊  
獵芹川野賜侍臣衣被

六年春正月癸酉朔皇帝御大極殿受朝蕃客  
陪位宴侍臣於前殿賜御被丁丑造瓷器生尾

張國山田郡人三家人部乙麻呂等三人傳習  
成業准雜生聽出身己卯宴五位以上并渤海  
使奏女樂是日正四位下藤原朝臣緒嗣秋篠  
朝臣安人授從三位從五位下授本玉從五位  
上從四位下紀朝臣廣濱大野朝臣直雄從四  
位上正五位下田口朝臣雄繼從四位下從五  
位上高階真人遠成紀朝臣梶繼高村宿禰田  
使藤原朝臣藤成正五位下從五位下藤原朝

臣諸主大伴宿祢真城麻呂。紀朝臣長田麻呂。巨勢朝臣諸成高階真人真仲從五位上。外從五位上高丘宿祢弟越正六位上。藤原朝臣八綱藤原朝臣愛發和氣朝臣真綱多治比真人松成從六位上。甘南備真人高繼正六位上。高賀茂朝臣里人橘朝臣氏公。紀朝臣家長安倍朝臣諸根大伴宿祢宅麻呂從五位下。正六位上廣階宿祢象麻呂。廣井宿祢貞名。御林宿祢

清名。廣澄宿祢福麻呂。建王部公豐益外從五位下。渤海國大使王孝廉從三位。副使高景秀正四位下。高英善。王昇基正五位下。錄事釋仁真。烏賢。偲。譯語李俊雄從五位下。賜祿有差。散位從四位下。田口朝臣雄繼。卒。少僧都傳燈大律師位如寶卒。大唐人不知何姓。固持戒律。無有缺犯。至於咒願。天下絕疇。局量宏遠。有大國之風。能堪一代之壇師者也。庚辰正六位上。石

田王授從五位下。正五位下大原真人淨子從四位下。外從五位下。允直古刀自從五位下。從八位下。百濟宿祢四十子。无位大綱公嶋刀自外從五位下。壬午從五位下。小野朝臣真野為上總守。從五位下。八多朝臣桑田麻呂為介。右近衛中將從四位下。紀朝臣百繼為兼美濃守。中納言從三位。巨勢朝臣野足為兼陸奥出羽按察使。右近衛大將如故。從五位上。小野朝臣

岑守為陸奥守。從五位下。甘南備真人高繼為介。外從五位下。朝野宿祢道守為越前大掾。從五位上。安倍朝臣雄能麻呂為左馬頭。兼越中。介。縫殿頭從五位下。伊勢朝臣德嗣為兼美作。權介從五位上。紀朝臣長田麻呂為備前介。諸陵頭從五位下。粟田朝臣飽田麻呂為兼豐後。介。從五位下。橘朝臣氏公為左衛門佐。癸未<sup>十一</sup>刑部省言。名例律云。除名者。六載之後聽叙。免官。

者三載之後降先位二等叙免取居官及官當者其年之後降先位一等叙公式令云犯罪除名未叙之間在本貫身死者申送刑部注除者今據此令除免之輩未叙身死不可更叙而本貫主司未嘗言上收叙之官无知存亡伏請告知職國為例令言者許之甲<sup>十二</sup>申從五位下賀茂朝臣関守為大舍人助左近衛少將從五位上佐伯宿祢長繼為兼内藏頭阿波守如故從四

位下石川朝臣河主為民部大輔從五位下橘朝臣長谷麻呂為少輔外從五位下御林宿祢清名為主計助從五位下藤原朝臣愛彥為兵部少輔從五位下路真人年繼為宫内大輔從五位下大伴宿祢國道為少輔外從五位下廣階宿祢象麻呂為造酒正從五位下和氣朝臣真綱為春宮大進正五位下安倍朝臣真勝為造東寺長官從五位下秋篠朝臣全嗣為造西

寺長官乙酉<sup>十三</sup>從五位下八多朝臣桑田麻呂為  
日向守丙戌<sup>十四</sup>從四位下藤原朝臣道繼為大舍  
人頭從四位下紀朝臣咋麻呂為兵部大輔從  
四位下藤原朝臣綱繼為左京大夫左馬頭從  
五位上安倍朝臣雄能麻呂為兼上野守右兵  
衛督從三位春原朝臣五百枝為兼下野守丁<sup>十五</sup>  
亥制攝津美濃丹波播磨等國夷俘身帶五品  
願見節會者與國解放之自餘不在放例又崇

福梵釋二寺者禪居之淨域伽藍之勝地也今  
聞道俗相集還穢佛地繫馬牽牛犯汙良繁宜  
令近江國嚴加禁斷若有不從制者五位已上  
錄名六位已下留身並言上戊子<sup>十六</sup>御豐樂院宴  
五位已上及蕃客奏踏歌賜祿有老已<sup>十七</sup>御同  
院觀射壬辰於朝集堂饗王孝廉等賜樂及祿  
癸巳發尾張參河美濃越前但馬美作備前等  
國役夫一萬九千八百人修理朝堂院其食并

往還路糧並用正稅甲午渤海國使王孝廉等  
歸蕃賜書曰天皇敬問渤海王孝廉等至省啓  
具懷先王不終遐壽奄然殂背乍聞惻怛情不  
能已王祚流累葉慶溢連枝遠發使臣聿脩舊  
業占風北海指蟠木而問津望日南朝凌鯨波  
以修聘永念誠款歎慰攸深前年附南容等啓  
云南容再駕窮船旋涉大水伏望辱降彼使押  
領同來者朕矜其遠來聽許取請曰差林東仁

宛使分配兩船押送東仁來歸不賈啓因言曰  
改啓作狀不遵舊例由是發日棄而不取者彼  
國修聘由來久矣書疏往來皆有故實專輒違  
乖斯則長傲夫克已復禮聖人明訓失之者亡  
典籍垂規苟禮義之或虧何須貴於來往今問  
孝廉等對云世移主易不知前事今之上啓不  
敢違常然不遵舊例憊在本國不謝之罪唯命  
是聽者朕不咎已往容其自新取以勅於有司



待以恒礼。宜悉此懷。間以雲海相見。無由良用。為念也。春首餘寒。王及首領百姓並平安好。有少信物。色目如別。略此還報。一二無悉。壬寅授正六位上。罔上連弟繼外。從五位下。是日停對馬史生一真。置新羅譯語。二月戊申。延大學博士及學生等於殿上。立義賜祿有差。辛亥。越中國介正六位上。大伴宿祢黑成。掾正六位上。多治比真人清雄。少目從七位下。和迹部臣真嗣。

等免。以盜官物也。其守從五位上。藤原朝臣鷹養大目正六位上。上村主乎加豆良。以身卒死。勿論其罪。己未。行幸交野。庚申。百濟王等奉獻五位已上并六位已下及百濟王等。賜祿有差。乙丑。車駕自交野還。庚午。幸神泉苑。花宴。命文人賦詩。侍臣及文人賜綿有差。三月癸酉。制蕃國之使入朝有期。客館之設常須牢固。頃者疾病之民。就此寓宿。遭喪之人。以為隱處。破壞舍。

垣汗穢庭路宜令彈正并京職檢校甲申從五位上安倍朝臣真直為左少辨左近衛少將從五位下布勢朝臣全繼為兼權左少辨伊豫介如故從五位下和朝臣繩繼為中務少輔從五位下藤原朝臣賀祐麻呂為侍從武藏介如故從五位下紀朝臣興道為備前介辛卯勅軍用之要以馬為先今聞權貴之家富豪之輩通使於邊邑求馬於夷狄部內由其不肅兵馬取以

闕之宜依延曆六年格禁買陸奧出羽兩國馬若有犯違寘以嚴科物即沒官但馱馬之色不在禁限丙申從五位下高賀茂朝臣里人為神祇少副丁酉置春宮坊坊掌二員陸奧國遠田郡人竹城公音勝等卅五人賜姓高城連真野公營山等卅六人真野連白石公千嶋等卅九人白石連遠田公廣播等廿九人遠田連意薩公廣足等十六人意薩連夏四月癸卯從五位

下大伴宿祢乎智人為典藥助從五位下紀朝  
臣繼足為左京亮己酉撰津國住吉郡地十町  
賜參議右大辨從四位上紀朝臣廣濱壬子幸  
神泉苑癸亥幸近江國滋賀韓埒便過崇福寺  
大僧都永忠護命法師等率眾僧奉迎於門外  
皇帝降輿升堂禮佛更過梵釋寺停輿賦詩皇  
太弟及群臣奉和者眾大僧都永忠手自煎茶  
奉御施御被即御船泛湖國司奏風俗歌舞五

位已上并掾以下賜衣被史生以下郡司以上  
賜綿有差五月甲申尚膳從三位永原朝臣惠  
子薨薩摩國蝗免調庸田租乙酉從五位下橘  
朝臣長谷麻呂為右少辨從五位下多治比真  
人松成為主計頭從五位下紀朝臣國雄為大  
藏少輔戊子渤海國使王孝廉等於海中值逆  
風漂迴舟楫裂折不可更用癸巳令越前國擇  
大船加駕蕃客也己亥備前國津高郡荒廢田十

九町賜業良親王。六月庚子朔，從五位下長岡朝臣岡成為散位頭，從五位下藤原朝臣承之為駿河守。壬寅，令畿內并近江丹波播磨等國殖柶，每年獻之。是日大雷，內舍人并四衛府舍人以上賜祿有差。甲辰，京畿百姓調錢五十文。今改定八百卅文。癸丑，渤海大使從三位王孝廉薨，詔曰：悼往飾終，事茂舊範，褒忠錄績，義存先彛。故渤海國使從三位王孝廉，闕庭修聘，滄

溟迴艫，復命未申。昊蒼不憖，寔雖有命在天。薤露難駐，而恨銜使命，不得更歸。朕慟于懷，加贈榮爵，死而有靈，應照泉扃，宜可正三位，更賜信物，并使等祿，以先取賜濕損也。乙卯，河內國潞賑給之。絕戶。戊午，皇子源朝臣信弟弘常，明女貞姬、潔姬、全姬、善姬等八人，右京人從四位下良岑朝臣安世，從五位下長岡朝臣岡成等貫附左京。辛酉，從五位下秋篠朝臣祖繼為民部

日本後紀卷十四

十一

少輔從五位下紀朝臣家長為左京亮廿四癸亥業  
子內親王薨遣使監護喪事賻純卅一匹布五  
十端錢二百貫文皇帝之第一女也母曰二品  
高津內親王是日山城國乙訓郡物集國モ背兩  
鄉雷風壞百姓廬舍人或被震死先是有大蛇  
入人屋即斂之未幾其人被震廿七丙寅播磨守贈  
正四位下賀陽朝臣豐年卒右京人也該精經  
史射策甲科秉操守義無恥屈撓自非知己不

好造接大納言石上朝臣宅嗣禮待周厚屈廿八  
亭院數年之間博究羣書中朝群彥皆以為釋  
道融御舩王之不若也尋友人小野永見命筆  
勒公字其詩曰白眼對三公貴勝惡之延曆年  
中任東宮學士及踐祚叙從四位下拜式部大  
輔既而女謁屢進英賢見排獨抱素懷任運玄  
默厥後天皇不豫傳位上嗣遷御平城不預追  
從猶守本職及于後亂自戢辭退今上惜其宏

材任播磨守令得終身在任三年移病入京卧  
 于宇治之別業昔仁德天皇與宇治稚郎相讓  
 之事具著國典故老亦語風俗病裡聞之追感  
 不已託左大臣慕為地下之臣卒日有勅許葬  
 陵下贈正四位下以崇國華也時人猶謂天爵  
 有餘人爵不足時年六十有五是日右大臣從  
 二位兼行皇太弟傳藤原朝臣園人等□表乞  
 還先祖功封曰臣等高祖大織冠内大臣鎌子

在昔天豐財重日足姬天皇御宇也緣一匡之  
 功錫封一萬五千戶胤子正一位太政大臣堂  
 構相承門風是存由茲慶雲四年勅賜封五千  
 戶大臣固辭天恩允請即減定二千戶傳及子  
 孫天平神護元年從一位右大臣抗表奉返室  
 龜元年勅更還賜大同三年正三位守右大臣  
 内麻呂又抗表奉返不蒙允聽臣等伏料元緒  
 事寄功勞今臣等冒寵苟進未効涓塵荷恩時

來徒真山岳而重叨殊私久淹歲序俯仰天地  
 慙悚同厝恐乖忌滿之遠試必取覆餗之近憂  
 伏願奉納取傳功封以補萬一少塞素尸天鑒  
 曲迴矜斯誠請則家祚惟永物議復休焉無任  
 丹懇切迫之至謹拜表陳請以聞不許秋七月  
 辛未外從五位下廣井宿祢貞名為縫殿助外  
 從五位下篁秦畫師笠麻呂為西市正正五位  
 下藤原朝臣藤成為播磨守從五位下淨野宿

祢夏繼為介河內國人外從五位下勇山連家  
 繼外從五位下文繼正七位上國嶋正七位下  
 真繼等貫附右京壬申河內國人從七位下高  
 道連鯛釣等五人貫附左京丙子幸神泉苑命  
 文人賦七夕詩壬午立夫人從三位橘朝臣諱  
 嘉智<sub>子</sub>為皇后是日暴雨雷鳴庭潦泛溢參議官  
 內卿正四位下藤原朝臣緒嗣進就閤門宣命  
 其詞曰天皇大命<sub>良</sub>止<sub>万</sub>勅<sub>布</sub>大命<sub>乎</sub>親王等臣

等百官人等天下公民衆聞食止宜食國天下

政波獨知伎倍物尔不有必母斯理弊乃政有之倍

止自古行來魯事皇后定志互聞中乃政波成物

止奈毛常毛取聞者行須故是以從三位橘夫人

乎皇后止定賜布故此狀乎悟而供奉止勅布

天皇御命乎衆聞食止宣贈皇后父正五位下

橘朝臣淨友從三位授從四位下藤原朝臣貞

嗣從四位上從五位下橘朝臣永繼從五位上

外從五位下朝野宿祢道守滋野宿祢家譯從

五位下從四位下藤原朝臣綱繼為大舍人頭

左衛門督從四位下良岑朝臣安世為兼左京

大夫但馬守如故從四位下藤原朝臣道繼為

右京大夫從四位上藤原朝臣貞繼為皇后宮

大夫從五位下紀朝臣繼足為亮從五位下滋

野宿祢家譯為尾張守從五位下甘南備真人

濱吉為石見守夫人從三位多治比真人高子



日本後紀卷十四  
二十三  
為妃從四位下藤原朝臣緒夏為夫人河內國  
人外從五位下當宗忌寸家主等十六人貫附  
左京甲申授正三位五百井女王從二位從四  
位下藤原朝臣緒夏從三位從五位上橘朝臣  
御井子從四位下壬辰從五位下大中臣朝臣  
淵魚為神祇大副從五位下甘南備真人濱吉  
為刑部少輔從五位下高賀茂朝臣里人為美  
濃權介從五位下大中臣朝臣弟守為石見守

癸巳幸神泉苑甲午詔曰天生黎元樹之司牧  
取以阜財利用化成天下是以欲濟弊俗達旦  
不已思使農夫有稔熟之歡婦功無杼軸之歎  
而去五月以降雨水迸溢田疇不修夫百姓不  
足君孰與足且俾左右京畿內無出今年田租  
務存優恤副朕意焉是日復諸國司遷替以四  
年為限八月己亥朔日有蝕之辛丑遣使奉幣  
於伊勢大神宮并賀茂大神以霖雨不晴也戊

申外從五位下廣澄宿祢福麻呂為造西寺次  
官從五位下大中臣朝臣弟守為丹後守從五  
位下紀朝臣貞成為石見守<sup>十三</sup>辛亥加日向國軍  
毅一負丙辰授從四位下橘朝臣常子從三位  
甲子遊獵北野<sup>廿七</sup>丑從五位下弟村王為筑後  
守<sup>廿九</sup>丁卯右京人少初位下出□臣廣津麻呂等  
七人賜姓春岑朝臣九月辛未<sup>四</sup>從五位下藤原  
朝臣愛發為中務少輔從五位下甘南備真人

濱吉為主計頭從五位下管野朝臣高世為兵  
部少輔從五位下多治比真人松成為刑部少  
輔少僧都傳燈大法師位常騰卒法師俗姓高  
橋朝臣京北人也法師道業優潤博究經論注  
釋六十三卷後生仰之了證斯在為人質素詞  
之文華至於決釋義理獨步少儔可謂釋門之  
脂粉人倫之龜鏡者也初入興福寺與故少僧  
都忠芬有隙移住西大寺守法待終與化而盡

春秋七十有六癸巳<sup>廿六</sup>遊獵大原野五位以上及  
 國司掾以上賜衣被冬十月庚子<sup>三</sup>安房國獻蘆  
 二枝長各三丈圍一尺甲辰<sup>七</sup>制皇后宮職舍人  
 者一百五十人以白丁補之除此之外以入色  
 補之壬子<sup>十五</sup>散事從二位百濟王明信薨丁巳<sup>廿</sup>散  
 事從三位大原真人明薨戊午<sup>廿一</sup>外從五位下江  
 沼臣小並為陰陽助從五位下藤原朝臣豐彥  
 為長門守壬戌<sup>廿五</sup>遊獵栗前野五位已上賜衣被

勅親王內親王女御及三位已上嫡妻子並聽  
 著<sup>二</sup>襖芳色象牙刀子但緋色鞞勒一切禁斷又  
 禁<sup>三</sup>女人著<sup>二</sup>褐及黃櫛染等色唯節會日不在禁  
 限五位已上聽恒服<sup>三</sup>飭刀六位已下不得以<sup>下</sup>金  
 銀為<sup>三</sup>飭內親王孫王及女御已上四位已上內  
 命婦四位參議已上嫡妻子大臣孫並聽<sup>三</sup>乘金  
 銀裝車自餘一切禁斷十一月丁亥<sup>廿</sup>勅延曆格  
 云斷決囚徒令有正文順時肅敬不可虧違或

過秋分節延入立春是既乖法式都無准的宜  
死罪者年終斷訖者今於行死刑秋冬無妨而  
頃年有司必至年終乃奏刑書施行之後計其  
行程合入春月以到遠國宜自今以後十月初  
斷奏訖但始自十一月一日至于十二月十日  
常行祭事不得令京官此限內決死刑甲午遊  
獵水生野五位已上及兩國掾以上賜衣被是  
日令諸國正稅帳計帳兩使便附朝集使不聽

別差使以省郵驛迎送也十二月丙午大和國  
人從五位下朝野宿祢鹿取從五位下道守等  
男女六十四人貫于右京癸丑遊獵芹川野戊  
午廢常陸國板來驛乙丑勅諸國司等各期六  
年之任不慮四歲之替國內雜務非唯一途今  
新格忽行心事相違而去秋下稔損害殊甚定  
知遷替之人必累拘留宜須明春新舊交替之  
政依今年損取有未納隨帳分付即令後任國

司准延曆廿五年四月十六日填納舊年未納  
 之格每年徵收附帳言上甲但有返舉虛納欠負  
 未納而得公解之類准法科附今年免大宰府  
 管内諸國三箇年田租以頻年不登是歲自五  
 月及九月霖雨諸國多被其害焉下半各賦六  
 日本後紀卷第十四

考異

永貞三張右四行貞舊從五位下五右一四字  
 及類聚作真馮餘七右一贏舊作贏辛波古知八左  
 國史補贏餘馮餘七右一贏舊作贏辛波古知八左  
 舊作右馮餘七右一贏舊作贏辛波古知八左  
 本紀略訂馮餘七右一贏舊作贏辛波古知八左  
 史作右馮餘七右一贏舊作贏辛波古知八左  
 真作右兵衛督十三左五兵衛舊御同院十四右五  
 同紀略累葉業十四左四葉舊作為念也十五左  
 作內略累葉十四左四葉舊作為念也十五左  
 史作一二無悉委十五左三悉舊作并掾以下賜  
 已作一二無悉委十五左三悉舊作并掾以下賜  
 衣被史生以下郡司以上十八右一十五字舊

令越前國

十八右七令

園成

十九右七成舊真

嗣上二左七真舊作真摠

雨水逆溢

井四右四

史訂復諸國司遷替

後摠紀略一本計

象牙刀

子作力摠紀略訂

斷決囚徒令有正文

八囚徒

令三字舊脫摠

秋冬無妨

摠類史三代格訂

右日本後紀殘缺第五第八第十三第十四第十七第二十  
第廿二第廿四合八卷門人稻山行教於京都寫之以類聚  
國史日本紀略等諸書校合畢  
寬政十一年十月日  
檢校保己一

發弘

日本橋通二丁目

山城屋佐兵衛

書林

